

雜毒海卷經

風陵文庫
文庫19
F 227



見焉因重爲刊出其間補入一二亦援梅和尚之
例併如梅和尚之言非敢阿好也昔世尊自述在因
時求得半偈乃遍書於林葉石壁間以傳示國人予
今補刻之役非與前人爭功聊代書葉書壁之勞爾
康熙甲午夏六月古柏林寺沙門性音敘

昔妙喜老祖居洋嶼菴凡有所唱說僧侍宏首座者
皆錄之而名之曰雜毒海蓋取老祖所謂參禪不得
多是雜毒入心之語也是故後之學者凡遇宿師碩
德偈頌佛事等語手錄成帙亦以雜毒海目之其來
久矣龍山仲猷禪師一日閱其所錄厭其譌舛遂刪
其繁冗摭其精要分類成卷始版行之其心蓋欲不
負作者之心永永爲後學之懿範也或謂師之用心
固善其如戾妙喜之訓何然文字語言以不著爲尚
譬如鴆毒人飲之則死曹瞞飲之則無害在學者取
捨何如耳然則是編之行其於法門不爲無補故爲

之說洪武十七年輓峯無愠題

恕中和尚曰吾宗所謂偈頌者借事顯理曉人心地
使事理混融純一無雜如醍醐之味蘆蔔之香使人
鼻舌畧經觸受莫不通乎心暢乎體灑然清爽者也
又曰宋季咸淳間諸尊宿凡寓興贈別及呻吟字號
之類皆有偈頌以四句爲準其作至精假使滅去名
目而其義自昭顯自非契證深密傍通墳典取之左
右逢原用之頭頭合轍而託此以吟暢元旨者不能
也予每謂門人曰此作頌偈不易之定論開人眼目
之金鍼也是書流布法社其來已久至洪武初龍山
闡師爲之刪繁摭要分類成集始版行於叢林而恕

中和尚乃爲之序余觀闡師重編之意甚與恕師所
論吻合而恕師作序之意又與闡師刪摭心同因效
輦二師徧採古宿遺珠并蒐近代全璧依類增入再
行叢林原集共七百三十二首今增八百七十有奇
至若泛採阿私則吾豈敢或於見聞寡陋惟高明教
之順治丁酉南澗行悅述

雜毒海卷一

京都柏林嗣祖沙門性音重編

佛誕

大術胎中無伎倆毘藍園裏逞風流年年惡水難迴

避煩惱皆因強出頭

疎山如

從來家富產嬌兒纔出胞胎便亂揮到得伎窮雙樹

下始知四十九年非

懶菴樞

未曾撞入摩耶腹兩手知他甚處安右脇出來魔境

現只堪惆悵不堪看

天目禮

指天指地展戈矛直至如今戰不休假使羣靈都殺

盡一身還有一身愁

高峰妙

摩耶今日產嬰孩剛道天宮降下來不是鷄窠生鳳
卵分明象子出驢胎

千巖長

成道

瞿曇打失眼睛時雪裏梅花祇一枝而今到處生荆
棘却笑春風惱亂吹

晦堂心

六年雪嶺道方成打失從前鬼眼睛滿面慚惶無著
處至今生怕見明星

荆叟珏

入山去何所圖出山來胡爲乎早知今日事悔不
當初

無準範

舉頭見星忽悟道黃泥山上生茆草李婆自做老裁

衣不剪乾紅剪香皂

栢堂益

二千年前臘月八黃面瞿曇眼睛活阿僧祇刮喫鹽

月江印

多苦行六年添得渴
今朝正是臘月八釋迦老子眼睛瞎青天白日被鬼
逃夜對明星將眼刮

朝宗忍

出山

不耐六年饑與寒含羞又要出人間早知伎倆祇如
此何不當初莫入山

無準範

頭髮鬢鬆下翠微凍雲殘雪綴伽梨不須更問山中

事觀著容顏便得知

石屋珙

饑寒難忍道難求又去人間賣口頭不得面皮黃似

蠟如何遮得者場羞

千巖長

王宮不住個癡騃半夜逾城真怪哉苦行六年誰采

你計窮祇得出山來

無極觀

涅槃

靈山山上葛藤樹引蔓牽枝遍地生不得波旬推倒

力至今無路與人行

佛照光

臨死當休未肯休雙趺一出便難收至今骨節連毛

竅暴露春風百草頭

虛堂愚

彌陀

樹林日日談真諦水鳥時時影正觀祇為衆生心未

瞥曲勞垂手下雲端

晦室明

娑婆今日苦情多土曠人稀爭奈何若使一船都載

去管教平地起風波

竺菴成

文殊

依稀漁父風波裏彷彿牧童烟霧間鬼魅衆生何日

了看看荒却五臺山

西崑惠

觀音

尋聲救苦太匆匆泥水通身汗幾重一十千人難教

化時時記在肚皮中

大川濟
萬人緣腹臟

小白花巖不是真龍華會上現全身者般土子能乖

角肚裏時時著萬人

斷崖義
萬人緣

丰姿窈窕鬢欹斜賺得郎君念法華一把骨頭挑去

後不知明月落誰家

隱山璨

月眉斜印海門孤逐浪隨波不丈夫雙手向人提掇

處却將魚目換明珠

別浦舟

童子南詢尚未回白華巖下望多時長天萬里無雲

夜月在波心說向誰

石屋珙

籃中錦尾沒來由怕爛常將賣市頭須知富嫌貧不

愛爭如挑却更忘憂

呆翁悅二

提携衆生誓願寬衆生度盡願方完不知度盡衆生

界手裏籃兒甚處安

稽首圓通自在尊好將救苦念頭輕而今處處觀音

現耳朵都能作眼睛

緣雨蕉

維摩

毘耶城裏老維摩一默無言詭詐多二萬二千獅子

座一時掀倒看如何

無用全

不二深談絕見知默然早已涉支離當時若遇儂家

在擬議拳頭劈面槌

無際派

詐病從來不可醫文殊特爲下針錐事禡一喙長三
尺問著依前似鼓椎

無準範

示疾毘耶方丈文殊亦難近旁看來無藥可醫祇是

忌口爲上

西崑惠

皺斷娘生八字眉者些病痛有誰知文殊針出膏肓

穴已是將爲死馬醫

仲宣孚

善財

五十三人一縷穿小兒雖小膽如天茫茫烟水無重

數買得風光不用錢

北礪簡

平生擔板逞婁羅叅罷歸來事若何一百十城都歷

徧識人多處是非多

笑翁堪

南方經歷幾雲烟收得珍奇貨滿船彈指便風帆到

岸一時翻作太光錢

無準範

城東老姥

城東老姥坐蓮臺大地衆生正眼開與佛同生嫌見

佛一身難做二如來

虛堂愚

老婆眼裏有瞿曇故得分明見指端若謂一生不願

見信他定是受他顛

呆翁悅

廣額屠兒

放下屠刀處棒打不回頭雲自帝鄉去水歸江漢流

退菴休

是佛有何成不成癡人說夢信為真須知一自放刀
後愈是刀刀見血生

呆翁悅

羅漢

虛空剪碎補虛空驚得金烏出海東喚作衲衣衣下
事知君綫路未曾通

北礪簡

金針透處脫規模放去收來得自如掣斷手頭紅線
子趙州東壁挂葫蘆

妙峰善

橫片豎片胡亂搭長針短針信意聯但見日從東畔
出不知塵世是何年

無準範

離離披披破骨董補一孔了又一孔三竿紅日透籬

邊看來何止七筋重

雪巖欽

寒時急用底物趁暖著些針線忽然臘月到來免致
手忙脚亂

無門開二

始見些兒光影要了末後一段若是無門拳頭不打
者般鈍漢

肩背相挨航一葦觀於海者難為水龍王鬪富我鬪
貧不費一錢能使鬼

天如則

破衲當陽舉何人眼有瞳山河并大地祇在一針鋒

晦翁明

攫霧拏雲謾作狂忽看平陸浪翻江是何尊者從何
至彈指聲中卽受降

了菴欲

人間天上無心住多在山邊與水邊彈指一聲龍虎
伏脚跟不費草鞋錢

唯菴然

未動舌頭文彩露五千餘卷一時周若言待月重開
卷敢保驢年未徹頭

竹巖印

誌公

一聲呱地面兜搜利物心如曲尺凹鍾阜風高枯樹
上饑鷹無復整危巢

未宗本

豐干騎虎圖

上了虎背下不得當時莫是錯商量衆生指望攜蓮
界看你將何作主張

智觀慧

傅大士

不向雙林寄此身却於梁土惹埃塵當時不是誌公
老也是悽悽去國人

雪竇顯

身披壞衲片雲寒脚著朝鞵頂戴冠要使三家歸一
轍捏砂終是不成團

笑翁堪

非儒非道亦非禪杜撰修行忒可憐擔閣一身三不
了至今八百有餘年

一衲介

布袋

長汀汀上風顛子拽杖回頭等阿誰向道那人元不
在汝須知有轉身時天目禮

撫背乞錢成漏泄回頭轉腦昧真機可憐鬧市無人

識獨自肩擔布袋歸拙菴光

黑漆拄杖挑布袋轉身忘了率陀天茫茫不顧肩頭

重猶要逢人乞一錢中峰本

靠著布袋微微笑半似癡憨半似顛看你者般無去

就當來成佛待驢年千巖長

一汀秋月渺烟波兩岸寒林挂薜蘿日日生彌勒

佛單單瞞得蔣摩訶漢江

布袋橫挑拄杖頭袒胸跣足不知羞可憐內院忘歸

去却向人間入下流約翁久

花冠卸下辭兜率笑面殷勤處處逢布袋也須都放

下一身來往便輕鬆牧雲門

杖挑布袋走紅塵底事何嘗見得親業識茫茫無本

據不知開口笑何人大夢因

一文乞與濟誰貧浩浩塵中孰是親自已慳囊放不

下又來開口笑何人芥菴大

懶殘

糞火但知黃獨美銀鈎那識紫泥新尙無餘力收寒

滂那有工夫對俗人

洪覺範

寒拾

巖前掃盡千秋月松下吟殘五字詩
敗闕重重都納了五臺山月照幾眉

少室陸

一笑相看兩弟兄面皮塵土髮鬚驚
人有句知誰和唱與森羅萬象聽

了菴欲

一句子寫不出拖下紙把住筆我今助汝腕頭力動
著晴天風雨疾

千巖長四

一個帚拈在手大地塵日日有轉掃轉多轉不休放
下自然清宇宙

覲面相逢笑未休現成句子筆尖頭書來字字磨今
古祇恐芭蕉不奈秋

十方世界海中沙諸佛衆生眼裏花一個竹筒些子
大如何盛得許多渣

一個禿帚如許大旁觀未免成話勸君不必費精
神撒手諸塵歸去罷

呆翁悅

四睡

拾得寒山笑未休豐干騎虎趁間丘而今依舊成羣
伍不是冤家不聚頭

笑翁堪

豐干拾得寒山子靠倒無毛老大蟲合火鬪頭同做

夢不知明月上高峰

虛堂愚

初祖

萬里孤舟駕怒濤長竿意在掣金鰲連拋兩釣無消息惆悵空來打一遭

天目禮二

強將不識鼓唇牙胡語如何亂得華若使梁王皮有血定應趕逐過流沙

萬里西來老骨楂不遵行止度流沙被人打落當門

齒啞子分明喫苦瓜

或菴體

含元殿上藏無計少室峰前坐有因若使當時遭毒

手不應千古累平人

復菴

賊身未露罪全彰攪得西乾沸似湯項上鐵枷無計

脫却來東土強分賊

無門開

東西走得脚皮穿教外何曾有別傳任你一華開五

葉好兒終不使爺錢

愚菴于皿

二祖

思量何用覓安心求得心安却苦身三尺雪深曾立

處不知誰是雪中人

佛國白

覓心無處更何安嚼碎通紅鐵一團縱使眼開張意

氣爭如不受老胡瞞

大慧杲

平地無端起骨堆將身活向雪中埋假饒盡得皮兼

髓還我娘生一臂來

隱山璨

三祖

渾身燥癢倩人搔入骨搔來身已勞一下被伊搔著

了平生癢處一時消

水菴一

了知罪性本來無絕後何曾得再甦元是從前風恙

病被他斷臂強塗糊

癡絕冲二

通身是病骨粘皮舉世無人識得伊縱使罪根都懺
了依然失却兩莖眉

四祖

解脫滾坑得自由單搗獨弄逞風流無端累及栽松

老業識茫茫未肯休

諾菴肇

放下栽松鈍鑿頭當胸义手欲何求本無一法堪傳

授空向黃梅結死讐

天目禮

破頭峰頂紫雲飛三却天書老翠微滯貨雖然無用

處不應分付小孩兒

少室睦

五祖

垂垂白髮下青山七載歸來換舊顏人却少年松却

老是非從此落人間

佛國白

種得千山無空地一枝猶挂鑿頭邊不因脫賺周家

女衣鉢何緣到你傳

中峰本

幾年活計饅頭邊萬本青松鎖翠烟夢破曹溪天地
潤再來不值半文錢

少室睦

手種青松數百株饑餐渴飲自如如無端借路重相
見却被人傳上祖圖

退翁休

六祖

黃梅夜半錯分付纔得星兒便亂做大瘦嶺頭屨一
堆後代兒孫遭點污

木菴永

七百高僧總會禪眼空四海鼻撩天黃梅若也無私
曲有甚衣盂到你傳

癡絕冲

荷條柴擔眼頭空路入黃梅伎已窮賣得藁林枝葉

盡嶺南無地種春風

中峰本

負春元是嶺南人十字呼來九不真偷得衣盂連夜
走至今無處著渾身

退菴英

懶融

牛頭峰頂鎖重雲獨坐寥寥寄此身百鳥不來春又
過不知誰是到菴人

明覺顯

紫氣氤氳透白雲因逢宗匠指迷津街花百鳥空惆
悵不見菴中舊主人

楊無爲

花落花開百鳥悲菴前物是主人非桃源咫尺無尋
處一櫂漁蓑寂寞歸

張無盡

著鞭騎馬去空手步行歸寂寞菴前路銜花鳥不飛

鐵山仁

破竈墮

禍福威嚴不自靈殘杯冷炙嚮何人一從去後無消

息野老猶敲祭鼓聲

佛眼遠

倚竈為靈不自靈靈蹤斷處一堆塵野老不來敲祭

鼓打正因邪別是春

佛燈珣

蒙山明

夜淡傳得老盧衣恨殺黃梅老古錐向道趕人休趕

着果然落節一番歸

雪溪戒

鳥窠

鳥窠吹布毛紅日午方高趙王因好劍合國人帶刀

真淨文

佛法有些子言中沒網羅布毛吹起處依舊不離窠

無準範

老到忘機是鳥窠西湖湖上控烟蘿布毛吹起無多

子鐵眼銅睛不奈何

寶峰乾

一向曾無刀斧痕還他本色住山人無端節外生枝

者惹得平空禍到門

孝如元

馬祖

卽心卽佛口喃喃非心非佛轉不堪八十四人門戶

別何曾一個是同叅 楚石琦

多謝尊前窈窕娘好將幽夢惱襄王禪心已作露泥

絮不逐東風上下狂 綠雨蕉

百丈

曾將古鏡再磨礱拂拭方知啐啄同一喝耳聾三日

後至今獨坐大雄峰 佛性泰

野鴨高飛落遠汀賺人扭得鼻頭疼思量個樣無滋

味笑不成兮哭不成 楚石琦

龐居士

叅盡生涯賣笊籬白拈隊裏討便宜看他伎倆祇如此也道心空及第歸 別峰印

趙州

無端提起七斤衫多少禪流着意叅盡向青州作窠

窟不知春色在江南 運菴巖

普化

盤山會裏錯呈真筋斗翻來笑殺人更與白拈同合

夥瞎驢端的眼無筋 天目禮

振鐸搖鈴恣賣乖大悲院裏赴村齋河陽木塔休穿

鑿當甚街頭破草鞵 笑翁堪

船子

驀口一橈全殺活點頭三下便撩天至今千古風流
在誰謂華亭覆却船

佛照光

三寸離鈎撼一橈百千毛竅冷颼颼雖然雙手親分
付要在渠儂自點頭

無際派

三十餘年在藥山鬼家活計豈能傳當時不得夾山
老你且耐煩撐破船

清溪徹

臨濟

黃檗棒頭全不顧高安灘上錯商量無端遍地栽荆
棘佛法初無一寸長

佛照光

禍福無門口自召三遭痛棒打驢腰可憐敗國亡家
恨萬古春風吹不消

天目禮

裴相國

補袞調羹着着先一尊古佛幾經年自從黃檗安名
後鼻孔無端失半邊

天目禮

德山

親到龍潭不見龍紙燈吹滅眼頭空一條白棒掀天
地滅却西來達磨宗

佛照光

洞山

鳳閣香沉月色親琉璃古殿現全身茫茫宇宙人無

數青白傳家未見人

笑翁堪

石霜

三更月落兩山明
古道迢迢苔滿生
金鎖搖時無手
犯碧波心玉兔常行

投子青

投子

水出崑崙浪接連
天高地迥秀林巒
禪牀畧下雲山
斷凡聖無踪海嶽寒

夾山

散席迢迢到海湄
痛燒連打兩俱非
父南子北知何
處月冷漁歌落釣磯

天目禮

興化

中原一寶有來由
拶得君王引幞頭
到此若無青白
眼當機誰敢謾輕酬

雪溪逸

曹山

金匣香消更漏永
沉沉玉殿紫苔生
高空有月千門
照大道無人獨自行

石帆行

九峰

戴角披毛異類身
寒灰枯木眼中塵
笑他不具披鱗
手徒有臨行一着親

丹霞淳

雪峰

九到洞山緣底事三登投子尙沉吟自從雪擁鰲山
後象骨一峰青到今

晦菴光

元沙

滴滴通身是爛膿釣魚船上顯家風時人祇看絲綸
上不見蘆花對蓼紅

天衣懷

汾陽

杯酌鋪陳祭祖先更無元妙與人傳同真十智分妍
醜面目雖存腦蓋穿

無際派

楊岐

屋老四壁疎雪珠床上跳猶有閒情懷對白雲發笑

大川濟

天衣

潮回寒浦月明初父子生涯有異途的是破家能做
活何愁放却一船魚

月堂昌

五祖演

楊岐驢子白雲關踢踏分明祇等閒百二十筋窮鬼
擔一肩荷負到東山

笑翁堪

芙蓉楷

芙蓉帳裏御鑪香十二樓分禁苑凉水殿夜闌風月
靜昆明池畔舞鴛鴦

恨亭挺

圓悟

認得頻呼小玉聲連忙開眼已雞鳴東山暗號從此
滅門戶如今冷似冰

笑翁堪

應菴

楊岐正脉一絲危洋嶼菴中特付衣畢竟虎丘成父
子到頭叔姪不傳持

東石禮二

密菴

先師手段豸猪狗持戒如何報得伊破沙盆是正法
眼不妨依樣畫貓兒

龍池行脚圖

燈花爆斷鐵牛脚踏遍閻浮入五臺花發笑巖桃浪
暖一頭片笠去還來

天笠立珍

天童

千年白骨露銅棺佛祖難將正眼看凜凜腥風吹大
地等閒觸着骨毛寒

弘覺志

滿肚無明沒處發逢人恨不得打殺識利害者諦當
看果是菩薩是羅刹

呆翁悅

磬山

刮虛空髓奪露柱胎威音奧棒元要受災晝打三更
睡虎嘯真燈照世磬雲開

天笠立珍

雲門澄

拈來芒屨勝靈鋒
殺活乘時不放鬆
倒卓秦山歸去也
玉梅香度耶溪風

位中符

南澗

棒頭如雨喝如雷
臨濟顏綱獨振回
生鐵心肝含笑面
師真得描幾人來

呆翁悅

樓子

你既無心我便休
此身無喜亦無憂
饑來喫飯困來睡
花落從教趁水流

孚上座

蜺子

紙錢堆裏可憐生
臭口纔開便葛藤
蕩盡鬼家窮活計
至今古廟絕人行

東山源

江上撈鰕鱗
江風吹面寒
西來意不識
推出酒臺盤

隱商子

孚上座

涅槃偏正及流通
不出禪人一笑中
千古平山堂下路
依然寒角動悲風

笑翁堪

政黃牛

橋下清波曉夜流
橋頭春色轉清幽
奇哉底事無遮護
何必騎牛更覓牛

少室睦

郁山主

百尺竿頭踏斷橋太虛凸處水天凹古來喫跌人無
數不獨闍黎者一交

北磬簡

李軍容見馮山

破壁蕭條自上泥不知背後客官來看他轉笏相承
處直得虛空笑滿腮

了菴欲

湖隱濟書記

隨聲逐色恣遨遊祇要教人識便休邏供得錢何處
去堂堂直上酒家樓

天目禮

靈照

爺將活計沉湘水累汝街頭賣笊箇不是家貧連子
苦此心能有幾人知

無際派

不肯守閨閣將身入市屢笊箇無賣處祇好哭蒼天

無準範

手握肩挑入市中笊箇誰買去撈風不如赤土塗牛
奶轉步回家哄阿翁

呆翁悅

凌行婆

年少行藏獨倚樓一家女子百家求祇因不入浮杯
眼對鏡看看白盡頭

笑翁堪

猪頭

托起猪頭佛祖不及有問若何肥從口入

古林茂二

蝦子

水裏撈來當陽拈出三界茫茫蝦為子屈

張果老倒騎驢圖

舉世多少人無如者老漢不是倒騎驢祇愛回頭看

自贊

貌古形疎倚杖藜分明畫出須菩提解空不許離聲
色似聽狐猿月下啼

功臣政

雨洗澹紅桃萼嫩風搖淺碧柳絲輕白雲影裏怪石

露綠水光中古木新

關提照

坐斷南閩第一峰羣魔膽喪虎潛蹤有時一喝春雷

動解逼生蛇化活龍

長靈卓二

面目巉巉耳搭腮好時如佛笑顏開莫教觸著無明
袋百怪千妖盡出來

粥稀後坐床窄先卧耳聾愛高聲眼昏宜字大

玉泉皓

多年塵世兜搜面百伎全無一伎能自古江南山水

窟如何生出者般僧

竹菴珪

叅禪無悟識字有數眼三角似燕山愁胡面百摺如

趙婆呷醋一著高出諸方敢道飯是米做

藏叟珍

不破古人元關元關自破不碎今時窠臼窠臼自碎

鷲峰之衣爛却西丘之話無傳 大川濟

持刀殺人人心不死赤手殺人人心不死伎倆俱盡

人心自死 橫川珙

匙挑不起個村夫文墨胸中一點無曾把虛空揣出

骨惡聲贏得滿江湖 無用全

強項生來不順情何曾捏怪釣虛名單提木樵百八

顆換却大千人眼睛 見心復

醉傲風顛卒未休杖頭明月冠南州轉身移步誰能

解雪覆蘆花十二樓 濟顛


平生要說拍盲禪掘地如何覓得天三處住山貧徹

骨了無衣盃與人傳 呆菴

雜毒海卷一 終

雜毒海卷一

三



雜毒海卷二

京都柏林嗣祖沙門性音重編

禮祖像

寰中

問其般若何為體依樣隨聲便答他句後更無針隙
地半簷紅雨落殘花

法濟

門外刀兵隊隊來阿師掩息未全灰當時若斬為三
段安得重新又活埋

象潭泳

雲門

睦州用盡腕頭力負義忘恩忒殺乖要好當初休蓋
覆從教千古露屍骸

浙翁琰

長慶

一言坐斷備頭陀萬古芝山翠不磨敢問當年簾不
捲不知天下事如何

石溪月

明覺

三皇五帝是何物辛苦曾經二十年一大藏教收不
得至今狼藉乳峯前

象潭泳

日沉野水光明藏蘭吐春山古佛心不用低頭苦尋
覓骨頭節節是黃金

未宗本

天衣

毘嵐吹倒葛藤椿扶起韶陽大法幢黃鶴樓前藏不
得幾回雁影落寒江

介石朋

無著

五臺凝望思遲遲白日青天被鬼迷最苦一般難理
會玻璃盞子喫茶時

象潭泳

保寧

乳竇峯前誓別時一言既出駟難追活埋三尺金陵
土道不過人果不歸

明極峻三

明教

如說如行炳日星回瀾一柱屹亭亭湖邊安得磨巖
石只刻尊僧篇作銘

介石朋

大覺

藤蘿深處鎖寒烟一塔巍巍萬象前縱火不焚龍腦
盃鄮峯高不到青天

柏庭文

大慧

竹篔三尺恨難酬血濺空山草木秋不是自家親骨
月合應千里竄巖州

介石朋

宏智

正音不振妙高臺楊廣山前事可哀老柏臥波寒影

動誰云無伴不成來

明極峻

石田

趁晴來刈石田禾三繞雲邊宰堵波竹引清風松帶
露音容雖少語言多

愚極慧

枯禪

青鳳山前古澗邊屋簷頭上更無天而今冷地思量
著細擘春雲作紙錢

愚谷智

禮祖塔

華嚴塔

山前馬廐普光殿門外牛欄正覺場五十三人同日

雜詩卷二
三
墓善財走得脚生瘡

應菴華

禮六祖真塔

曹溪滴水自靈源流入滄溟浪潑天多少魚龍爭變
化源頭一脉尚冷然

憨山清

送心上人禮大梅祖塔

卽心卽佛投巖虎非佛非心落網禽莫把炊巾容易
展丈夫膝下有黃金

恕中愠

送福上人禮祖師塔

祖師塔是鶻崙磚祇在山邊與水邊一一從頭巡禮
遍草鞋依舊自還錢

石屋珙

謁霜華諸祖塔

萬年一念口生埃枯木寒灰活自埋八伯高人扶不
起至今無計出頭來

靈谿昱二

禮石霜圓祖塔

西河獅子無窠窟踏破芒鞋賺我來惟有霜花潭上
月寒光千古照荒臺

明招塔

稍硬風頭早已乖更歸煖室自生理翻令千古成蹤
跡枉喫羅山白飯來

介石朋

藤深蔓短塔纍纍獨眼名龍恐是伊放下泥盤义手

立當年誤殺矮闍黎

古智語二

禮暹道者塔

髑髏元自有靈光雪竇何曾抖屎腸截斷婆婆三寸舌至今雙劍倚天長

尋谷山禪師塔

行盡湘西十里松到門卻立數諸峯崇公事蹟無尋處庭下春泥見虎蹤

洪覺範

禮黃龍南祖塔

石屋峻層覆骨堆炊巾三展笑顏開輕輕欲扣黃龍角忽地傾湫倒嶽來

古梅友

謁準禪師塔

同條生不同條死靚露全機誰後先一句鶻崙難劈破一時乞與子孫傳

洪覺範

送元上人禮無準祖塔

是他圓照下兒孫自遠趨風掃塔塵昔日烹金文武火至今煖氣尚如春

月江印

禮虎丘隆祖塔

今古雲巖氣象雄千門烟火列朝春誰知瞌睡當年虎占斷東吳第一峯

箬菴問

松源塔

三督黃牙竅到天鷲峯何處有親傳自知終始無交
涉一瓣兜樓拜塔前

天目禮

禮高峯祖塔

二十餘年抱死關那來魂夢落青山臨行白骨無藏
處擲向金毛舌上安

紫柏可

禮建文君遺像

陰謀休恨姚廣孝老佛曾傳楊應能歛卻殘棋誰勝
負閻浮提內兩員僧

正法

二

行無蹤影住無門留得空山像設存衲子莫驚珍御
服從來何處不稱尊

東叟塔

虎生三日氣吞牛養子誰如孫仲謀老屋四欄天在
上此心有媿到杭州

栢堂益

禮斷巖祖塔

千丈巖前曾受屈父子不傳真妙訣蟪蛄蟲子正揚
聲大地山河一片雪

六吉謙

禮笑巖老祖塔

九鼎曾經一綫危黃金克國塔崔嵬
三到遍地兒孫盡受知

呆翁悅

示徒

從來共住不知名任運相將祇磨行自古上賢猶不
識造次凡流豈可名

石頭遷

學道之人不識真種爲從前認識神無量劫來生死
本癡人喚作本來人

長沙岑

枯木龍吟真見道髑髏無識眼初明喜識盡時消息
盡當人那辨濁中清

曹山寂

人情濃厚道情微道用人情世豈知空有人情無道
用人情能得幾多時

龍牙通

楊岐乍住屋壁疎滿牀盡撒雪珍珠縮卻項暗嗟吁
翻憶古人樹下居

楊岐會

不是嶺頭攜得事豈從雞足付將來自古聖賢皆若
此非吾今日爲君裁

瑞鹿安

曉天雲淨濃霜白千峯萬峯鎖寒色驪龍失珠知不
知無限平人遭點額

明覺顯二

門掩還同歲月催石窗經雨積莓苔一牀枕簟淨名
老時見斷雲孤月來

泥捏金剛水窟走筆描菩薩火中行頂門有眼看不
見丈二眉毛額下生

保寧勇

空門有路人皆識到者方知滋味長心地不生閒草
木自然身放白毫光

東山演

此段本來無向背要須堅猛力行持金剛正眼通身
是萬境來侵莫管伊

圓悟勤

昔日楊岐老祖翁牽犁拽耙逞神通兒孫帶水拖泥
去熨斗煎茶銚不同

大慧杲二

一口吞盡三世佛正是吾家客作兒爭似璞禪無用
處一毛頭上便忘機

江上青山殊未老屋頭春色放教遲人言洞裏桃花
嫩未必人間有此枝

虎五隆

懸崖促拍舞三臺死虎驚忙眼豁開聖地不生凡草
木果然親見瞎堂來

瞎堂遠

少室門庭冷似灰長年不見一人來汝今若解知慚

愧那取工夫到一回

應庵華三

五十三州七百僧驢腮馬領得人憎諸方若具羅籠
手今日無因到淨明

急水灘頭下釣時錦鱗紅尾尚遲疑驀然跳出洪波
裏攫霧擎雲宇宙低

圓通不開生藥舖單單祇賣死猫頭不知那箇無思
算喫著通身冷汗流

簡堂機

南臺靜坐一爐香終日凝然萬慮忘不是息心除妄
想都緣無事可商量

南臺安

情解泯時金翳眼疑團破盡鬼分賊被人說著心頭
事鐵作心肝也斷腸或菴體九
衲僧行履豈尋常出匣吹毛不隱藏奪食驅耕全正
令東西無復鬼分賊
暗撒驪珠成瓦礫閒傾鳩毒是醍醐冤將恩報滅胡
種舉眼無親真丈夫
著脚孤危草不生勿棲泊處等閒行臨風闊卻墮空
口斷送渾家入火坑
生獰別是一般村品藻先賢薄後昆掉放孤峯爭合
煞棒頭有眼蓋乾坤

瞎驢種草不消憑舊閣元關唾手羸湖海晏清還獨
步功歸寸刃血長鯨
拚身捨命討冤讐熱血相噴肯便休及到大家無寸
土空雙手去占雲頭
赤骨力窮擔片板顛癡敦癩豎雙眉驀生做處難名
狀佛祖當頭聽指揮
一拳也是打爺來未有輸贏莫放開割捨拍盲窮性
命嘴高鼻塌見全材
三冬水上打鞦韆百尺竿頭棹釣船寄語兩堂龍象
衆毋勞掘地覓青天密菴傑二

三月江南啼鷓鴣人行錦繡百花圖
離微不犯通消息笑倒西天碧眼胡

學道猶如守禁城晝防六賊夜惺惺
中軍主將能行令不動干戈致太平

性空菴主二

不耕而食不蠶衣物外清閒適聖時
未透祖師關捩子也須存意著便宜

節外生枝莫謾尋根源坐斷祇如今
鴛鴦繡出頭頭是誰肯輕拋一寸針

月堂昌

不依本分要參禪賣了山前祖父田
赤手出門成活計好兒終不使爺錢

松源嶽三

心王及第未超情棒下承當翳眼睛
勿謂少林人不見黃鸝時喚兩三聲

敗壞多年苕帚椿等閒拈起定宗綱
者些標格天然別不比諸方孟八郎

見猶離見非真見還盡八還無可還
木落秋空山骨露不知誰識老瞿曇

破菴先

大地撮來如粟粒九旬禁足誑嬰孩
楊岐種子無碑記時把龜毛眼裏栽

無際派

盤陀石上共安居水遠山高一事無
惟有多情峯頂月夜深移影到堦除

萬菴柔

太平時節息干戈滿路惟聞唱凱歌到此未應輕扎
住更須合眼跳黃河

無用全

大道無南北東西似掌平獨行無伴侶高揖嶺南能

大川濟

四大聚成元兔角六根縛住白龜毛漚花影裏翻筋
斗出沒閻浮是幾遭

中峯本四

濁水盡清珠有力亂心不動佛無虧眼前盡是家鄉
路不用逢人覓指歸

一爐古篆一枝蓮目挂寒空萬慮捐清泰故鄉歸便
得誰分東土與西天

一鈎蘿月照松龕門外無人宿草庵萬億紫金身化
主不離當念是同叅

擬續當年雪隱絃行菩薩行更加鞭驀然自屎不覺
臭插翅蒲鞋飛上天

月江印

全身荷負萬鈞重千里傳來一幅書且喜重關俱透
徹浩歌歸去倒騎驢

東山源

無相無形本寂寥擬擡眸處轉迢遙蒲團靜倚無餘
事窗外一聲婆餅焦

龍溪文

三月韶光沒處收一時散在柳梢頭可憐不見春風
面卻看殘紅逐水流

止翁

報恩門下透難還死款臨岐作麼翻觸著渠儂些子
毒直教迸破鐵心肝

何菴

瓦盃爲猫方撲破伽黎因雨爛無蹤三更不用來分
付明日堂堂下籀峯

暮翁

驢事未了馬事到鈎鎖連環沒斷頭祇管今朝又明
日等閒蹉過一生休

天如則五

蟻蝦負須常嫌少老鼠搬金不怕多祇道臨終將得
去臨終卻不奈他何

病來便作死承當箇是單傳秘密方你若目前無主
宰落湯螃蟹沒商量

脩行如買世間物肯破慳囊事卽圓祇把口頭閒議
論恰如著價未還錢

幻軀將逼從心年松下經行石上眠珍重北山龍象
衆普通年話幾時圓

行中仁

年登六十一春秋祇合投閒待死休不料業風吹到
此又同衲子結冤讐

性原明

開先寺裏迎賓日禪月堂前索偈時客路如天春似
海子規啼斷落花枝

愚菴及

一片荒田一把鋤翻來覆去用工夫一鋤翻得春風
轉也有瓜茄也有瓠

石屋琪

蔬園全仗衆工夫自己工夫不可無一旦糞多茄子

大方知地壯菜根麤笑巖寶

工夫未到方圓地幾度憑欄獨自愁今日是三明日

四雪霜容易上人頭絕照輝

昨日爲儒今日僧轉凡成聖不多能翻思昔日靈山

老也是其年得越城天隱脩

未跨船舷三十棒那邊何有岍堪登雲龍驚起千層

浪無底船招舊住僧嵩乳密

昏昏長夜莫能惺佛法真如照世燈點出當人頂門

眼依前日午打三更鶴林門二

叢林古制育英才選佛場今赤手開日用明明七件事要從檀越信心來

一條白棒誰堪喫倚壁長年總不拈不是山僧情性

懶萬中無一繼茆鎌隱明綸

短拂高提在客司諸方有此亦全非報恩門下青苔

滑砥放無毛鷄子飛南菴依

不是冤家不聚頭隨流得妙又何求好來扶我刹竿

子鐵壁風高振九州汝風果

爛銀高涌響如雷大士全身現幾回要到普陀巖上

見驢年保汝出頭來百癡元

納僧荷擔衲僧事極是尋常沒甚奇當念時流泛泛者不思慧命似懸絲

呆翁悅六

拶到心如墻壁了須知一擊百雜碎丈二眉毛額下生正眼摩醯誰敢覷

須識源清流亦清冤家狹路總無情牢關平地如山險公驗分明不禁行

老漢生平一句子從來在子盃囊收若言更有重分付何異更安頭上頭

南磡西華十五年虎頭虎尾話方圓黃梅夜半苦心事又復挑燈爲子傳

總有定緣休勉強直釣自古釣金鰲也隨拗曲安香餌縱得魚蝦直幾毫

贈別

草屨初登南客船銅瓶猶貯北山泉衡陽舊寺秋歸後門鎖寒潭幾樹蟬

清塞

選得幽居愜野情終年無送亦無迎有時直上孤峯頂月下披雲笑一聲

李翺

化門舒卷豈同時出塞還須斬萬機道泰却旋林下日捲簾閒看嶽雲歸

雲峯悅

羣峯杳藹留不住遠道依依祇藤屨舊隱蘿龕付與

誰寒猿後夜啼高樹

明覺顯

極目春光水照空岸沙汀草碧茸茸三千里外生靈
望獨倚寒藤振祖風

澄江依棹碧光流風冷蒹葭雨乍收別夜新吟許誰
約白蘋汀上月陵秋

雪殘春島路迢迢水盡雲開見碧霄別後誰同此深
意祇應孤月共寥寥

乘興飛帆到翠峯水光春盡冷涵空道人若問曹溪
意祇報盧能在下風

禪石飛流濺碧莎利生還喜下雲坡途中若立三千

客別起眉毛不在多

梅檀林裏振金毛四顧清風拂幾遭曾許全威作雲
雨不知何處是塵勞

雲衣輕拂下層巒松檜生風觸袖寒誰問親遊乳峯
意百千年後與誰看

古策風高瓶浪闊春雲片段分清絕金盆後夜孤頂
寒去去誰同落殘月

鄞江秋晚忽成春况是台星作主人去去高攜古刀
尺二千年運續芳塵

三十餘年四海間親師擇友未曾閒今朝得到無心

地卻被無心趣出山

遲道者二

不是無心繼祖燈道慚未厠嶺南能三更月下離巖
竇眷眷無言戀碧層

撥轉千差向上機攬旗奪鼓不饒伊翻身踞地全生
殺始是金毛獅子兒

圓悟勤

桶底脫時大地闊命根斷處碧潭清好將一點紅爐
雪散作人間照夜燈

大慧杲

相逢相別兩無言萬柳亭邊上渡船勿謂空來又空
去舉頭渾見舊山川

松源嶽

南來揩癢毒蛇頭一口親遭恨未休縱使兩川三峽

水到頭難洗此冤讐

雪老迎歸笑滿腮俊名喜與太原偕三年祇在天封
寺不似揚州聽角來

珍藏主三

南方浩浩正談禪爭似君家博飯田待我寒衣都補
了袖茶來訪鑷頭邊

髻絲不可織寒衣煮字那能療得饑別欲與君安樂
法正忙卻未有閒時

青箬笠前天地闊碧蓑衣底水雲寬不言不語知何
事祇把心來不自瞞

濟顛

家住匡廬最上層孤猿啼處月華明如今廬事思歸

去莫記當年腸斷聲

浙翁瑛二

幾年鏖戰歷沙場汗血功高孰可量四海狼烟今已
息踏花歸去馬蹄香

冷泉近日飯籬空無奈栽田歲不豐有箇休糧方子
妙衲僧競去問天童

石田薰

孤蹤抹過海門東吳越溪山幾萬重一拜起來還一
拜不知何處見圓通

虛堂愚二

正此補寒忙不徹遽來別我去叅方鍼頭削下三觔
鐵與你前途鑄脊梁

內心纔起病相尋脫體須明不病人脚未跨門先轉

步六橋官柳正搖春

石林鞏

去到雙林見舊遊眉橫新月眼橫秋寒暄未舉宜先
問因甚橋流水不流

石溪月

興化當年打克賓叢林千載話猶存雲黃有棒且高
閣祇麼煎茶送出門

大歇謙

興化當年爲克賓棒頭敲出玉麒麟遁庵放過定禪
客祇要渠儂眼自明

遁庵演

三呼三應便翻身六月螺江徹庑水歸到家山人不
識一輪明月照廬陵

枯禪鏡

曾經巴峽聽啼猿萬想千愁舉不全十萬里風吹夢

醒月明人在錦江船

偃溪聞

極目寥寥水照空白蘋紅蓼戰西風三千里外深深

意鐵券誰將累祖翁

西巖惠五

白紙無端黑筆書分明一句卻模糊青燈夜雨湘江
上添得平沙落雁圖

千峯積雪初消後萬國春回物物新好箇轉身時節

子鐵關難鎖玉麒麟

龍從流水響泠泠一曲韶音和不成散作鄱陽湖上

曲幾人篷底聽秋聲

我居雙徑汝靈山一語臨風要說難紙襖幸然無點

墨三冬途路要遮寒

雲遮劔閣三千里水隔瞿塘十二峯抖擻屎腸都說

了莫教錯認甕爲鐘

大川濟

萬里波瀾一葉舟秋風如箭月如鈎不須更問途中

事過得三巴卽便休

何菴

瑞巖有句送東巖未舉分明落二三莫謂無人知此

意石橋流水繞松杉

少室睦

鳳凰山下鳳凰兒文彩纔彰羽翼齊鐵網縵天攔不

住歸心已在碧梧枝

孤雲權

烏石嶺頭相見了玲瓏巖畔又逢君臨行無可贈行

新嘉海卷二
色萬里西風捲斷雲

東山源

子規啼血染山花柱杖頭邊興轉賒眼底迢迢皆客

路草鞵今夜脫誰家

中峯本

空拳打入長蛇陣殺氣連雲戰更酣輓到了無干涉

處牛頭向北馬頭南

無文燦二

無數飛花舞曉風天開二十五圓通要知門戶從何

入問取溪邊石耳峯

動靜何曾涉蓋纏何須更透未生前故園千里今歸

去陸有征途水有船

東州永

佛香浮霧晝霏簾春澗鳴泉雪後添乞食歸來雙樹

底散花如雨讀楞嚴

見心復

儂耳曾聞玉局歸潛龍猶記識天威朱巖滄海九千

里一錫閒雲自在飛

笑隱訢

十萬里來傳一信一千七百箇封皮到家的的無文

字問你展開知不知

千巖長

舊日廬山舊眼看阿師有甚不平安放蠅莫打紙窻

破風雨落花春正寒

天如則

心未寧時爲汝安落花小雨釀春寒斷橋流水孤山

路楊柳絲絲拂畫欄

愚極慧

白雲飛落劒池旁紙纒新糊玉一方塔影忽然顛倒

新書海卷二
卓爲渠懸筆寫提綱

楚石琦二

山上鯉魚生一角忽然躡跳上青天俱胝道者無尋處卻把天龍鼻孔穿

高高峯頂屹雲中八十溪翁也眼空相見莫言行脚

事累他雙耳又添聾

野翁同

黑柰竹篔光爍爍拈來不用更商量爲渠拘作百雜碎看你如何孟八郎

如晦一

徑山老漢惡相逢要你生吞栗棘蓬丁字脚頭挨得入大家輓入草窠中

五十三人病痛深海濤日夜助呻吟煩君大展活人

手痛與膏肓下一鍼

絕照輝二

生鐵心肝冷面顏平欺佛祖眼頭寬試將一滴曹溪水漲起西江十八灘

倒拈秃帚默施功向未扃前盡掃空一大藏經指糞

紙百千諸佛廁中蟲

標指堂

江水無情去不還惟留兩岸好青山輕雲藏跡能歸

岫不向東風向素顏

建文帝

上人參禮何方去玉几難爲指路頭有箇長汀愁布

袋如今出化在饒州

東生

肩荷長長箇柳標烟山烟水去尋師石頭踢破娘生

脚帶累芒鞋喫苦皮

破山明二

痛喫烏藤咄咄歸逢人謾把惡風吹砂鎔土竈埋深

澗活煮清泉接鈍機

爲號空門徹底空今年窮勝去年窮窮坑莫謂難填

塞消得龍王多少風

木陳志

幾番拽杖思歸省踏斷溪聲到處家煩語倚間頭白

毋好看隔岸柳絲斜

玉林琇

如今無處覓深山但得心閒卽閉關吳越不分烟水

路醉人秋色月初圓

箬菴問

雲厭春山日映紅老菴新理旋栽松偶偕清賞多生

澀怕見鄰巖大小空

三宜孟

丈夫事業丈夫成葉茂枝榮根固深九到三登明徹

底看來祇怕有心人

石奇雲

破浪乘風六月來清秋還駕天風去歸去西江十八

灘爲人好指曹溪路

呆翁悅



雜毒海卷三

京都柏林嗣祖沙門性音重編

投機

三十年來尋劍客幾回落葉又抽枝自從一見桃花
後直至如今更不疑 靈雲勤

夜宿花城與酒樓一聞歌管惹離愁利刀掣斷紅絲
纔你若無心我便休 樓子

萬象之中獨露身唯人自肯乃方親昔時謬向途中
覓今日看來火裏冰 長慶稜

憶著當年未悟時一聲畫角一聲悲如今枕上無閒

夢大小梅花一任吹予上座

傑出叢林是趙州老婆勘破有來由而今四海清如

鏡行人莫與路為讐黃龍南

我有明珠一顆久被塵勞關鎖如今塵淨光生照破

山河萬朶郁山主

一二三四五六七萬仞峯頭獨足立驪龍領下奪明

珠一言勘破維摩詰天衣懷

山前一片閒田地叉手叮嚀問祖翁幾度賣來還自

買為憐松竹引清風東山演

金鴨香消錦繡幃笙歌叢裏醉扶歸少年一段風流

事祇許佳人獨自知圓悟勤

商量極處見題目途路窮邊入試場拈起毫端風雨

疾者回不作探花郎或菴體

書堂兀坐萬機休日暖風柔草木幽誰識二千年遠

事如今只在眼睛頭陳了翁

棄却飄囊撼碎琴如今不煉汞中金自從一見黃龍

後始覺從前錯用心呂洞賓

捏不成團劈不開何須南岳與天台六根門首無人

用惹得胡僧特地來普菴肅

鼓寂鐘沉托盃回巖頭一撥語如雷果然祇得二千

活莫是遭他受記來

張無盡

頂有異峯雲冉冉源無別派水泠泠遊山未到山窮

處多被青山礙眼睛

白楊順

枯木無花幾度秋斷雲猶挂樹梢頭自從鬪折泥牛

角直至如今水逆流

寶華鑑

黑柰崑崙把釣竿古帆高挂下驚湍蘆花影裏弄明

月引得盲龜上釣船

伊菴權

幾年個事挂曾懷問盡諸方眼不開肝膽此時俱裂

破一聲江上侍郎來

分菴主

三更月下一聲蛙撞破虛空共一家正與麼時誰會

得嶺頭腳痛有元沙

張九成

從來姿韻愛風流幾笑時人向外求萬別千差無覓

處得來元在鼻尖頭

蔣尚書

趙州狗子無佛性萬象森羅齊乞命無厓籃兒盛死

蛇多添少減無餘剩

一源寧

清風樓上赴官齋此日平生眼豁開方信普通年遠

事不從蔥嶺帶將來

越山兼

大地山河一片雪大陽一照便無踪自此不疑諸佛

祖更無南北與西東

斷巖義

掃盡葛藤與知見信手拈來全體現腦後圓光徹太

虛千機萬機一時轉日本覺阿侍者

留贈

送曾侍禁

冷匣秋波射斗星鐵衣隨從古霜清宣池莫問當年
事一片威風動地生明覺顯

贈魁天紀

拈筆詩成首首新喜來豪叫欲攀雲難醫最是狂吟
病我恰纔痊又到君圓至

贈憲司張大使

眼光爍破人肝膽挂起峻嶒鐵面皮萬事一公都了

辦驚天動地丈夫兒千巖長

送李宗遠歸廣東

三山木落雁啼霜虎踞關頭買小航明日相思望南
斗水流不盡楚天長見心復四

太平身退更何憂歸老南山問故丘一色梅花三萬
樹夜和明月醉羅浮

聞說高侯氣膽狂校詩多在白雲窻秋來椰子甘如
蜜寄我須緘五百雙

鸚鵡杯深泛紫霞風流渾訝謫仙家錦袍留客催春
燕開徧東園荳蔻花

畱典座

寒山爨下供燒火拾得堂前拾菜渣贏得坐籌香積
國後園茄子又開花

行可

送嚴使君端溪歸越中

江南木落雁天高一路青山送客舸應訪寒山舊茗
跡松門斜日聽秋濤

退翁備

送麻居士

紗帽山儀白苧袍遠投孤頂近吾曹攜來七尺霜前
竹割斷天雲不放高

明覺顯

醫士

牙齒分明一具骨十中今祇二三存先生若不重栽

種老去如何敲菜根

元叟端

衆生病已在膏肓舉世誰傳奪命方是草拈來都是
藥何須九轉透瓶香

無學 二

話頭一則耆婆藥大藏諸經和劑方抹過二途開口
笑不勞鍼砭起膏肓

相士

人說先生相最靈試將一問問先生山僧未出母胎
日蓋膽毛還有幾莖

東巖日

風搖翠竹聲敲玉雨洗羣峯色潑藍妙相堂堂祇者

是先生有口怎生談

谷源道

雙眸炯炯逼人寒
驗盡賢愚瞬息間
父母未生前面

目應須返照自家看

拙菴光

面如生鐵鑄崑崙
有底榮枯到你論
謾說青青亭畔

竹春風幾個有兒孫

無文燦

長短生成都一樣
賢愚眼裏分中上
問君具底摩醯

眼法報化身作麼相

智觀慧

贈了空羽士

劍光電繞蒼巖裂
阿母金盤進紅雪
携手一笑三千

年更約乘鰲拾海月

笑隱訢

卜士

卦盤撥轉昧真機
禍有胎兮福有基
昨夜孛星移一

位先生睡著不曾知

石田熏

無位真人赤骨律
面門出入有誰知
太虛元與渠同

壽庚甲憑君仔細推

癡絕冲

汝鑽龜甲我鑽心
鑽透靈源值萬金
爆地一聲爻象

露六爻平靜絕追尋

萬峯蔚

演史

間行伴手一烏藤
獨坐長年對碧層
不聽子談興廢

事那知身是太平僧

一翁如

吳征越戰好崢嶸幾度春風青草生側耳聽渠話來
歷眼頭千嶂陣雲橫

孤雲權

歌者

三撥琵琶唱渭城喉音嘹唳遏雲行如何解奏無生
曲佛祖從教努眼睛

百癡元

裁縫

鄱水一條生白練廬山半幅舊青蘿李生提我袈裟
角補得渾崙不欠多

中峯本

手携刀尺走諸方綫去鍼來日日忙量盡別人長與
短自家長短幾曾量

石屋珙

得於心兮應於手補得虛空無滲漏若有絲毫未了
時更向鍼鋒打筋斗

覺首座

茶匠

裏面盡情灰得了外頭方始好揩磨雖然本有靈光
在也要工夫發用他

石屋珙

鋸匠

拽去推來妙意同作家相見密施功通身手眼能回
互盡在當陽一綫中

無趣空

鞵匠

出格工夫衆所推韻時輩亂鍼錐腳頭脚底通霄

路明月清風步步隨

潛書記

鑄鐘匠

野店小橋外黃昏欲雪時一聲誰側耳千古喚愚癡

應菴華

天下有名何鑄鐘遠來相訪老巖翁吾家火冷冰生也且趁諸方爐鞴紅

千巖長

吏人

活捉生擒百種囚敲枷打鎖問來由箇中一字能通變活却從前死路頭

無準範

刀鐮

提起霜刀風凜凜二三四七也佢頭看他立地爲人

處毛髮不存方始休

浙翁琰

剃了又長長又剃一年幾度遠煩過大夫祇管來求福我福如何有許多

石屋琪

送僧禮寶陀然指

是真精進寶奇哉一朵蓮花指上開要識觀音真面目此回親到寶陀來

嶽巖

送鐵山道人禮寶陀

脚跟下鐵山萬仞眼睛頭白浪千尋不於者裏承當去更要重叅觀世音

中峯本

送無極道人禮寶陀

道人無事發狂心
涉水登山海外尋
一拜起來還一拜
不知屋裏有觀音

虛白出

送觀上人禮補陀

補陀巖畔去何求
不見觀音誓不休
見了觀音當自笑
元來胡餅是饅頭

天如則

送智觀慧侍者禮五臺

清涼欲禮不辭勞
往復炎天萬里遙
勘破老婆舌底路
歸來正好語聲高

呆翁悅二

文殊老不避羞慚
剛道前三與後三
汝去更詢多少

衆看他又爭放癡憨

送僧省親

孃生面目既分明
遠不疎兮近不親
試向途中問歸客
不知誰是倚門人

癡絕冲

衲衣換得綵衣斑
佛國宣傳及第還
母問子供何職事
空王殿上翰林官

藏叟珍

白頭八十雙親在
日望南方應斷腸
一見掀眉呈舊面
莫言無物獻尊堂

虛堂愚

今生父母當親近
從本爺孃子細看
動轉施爲全得力
一回舉起骨毛寒

別浦舟

空花要覓生時蒂陽燄須尋起處波不是出家恩愛
重夢魂偏在故鄉多

楚石琦

贈真淨

諸葛昔年稱隱者茅廬三顧出山來松花若也霑春
力根在深巖也著開

香城順

寄佛印

粗沙施佛佛欣受怪石供僧僧不嫌空手持來還要
否更無一物可增添

蘇子由

答子由

空手持來放下難三賢十聖聚頭看箇般供養能歆

響木馬泥牛亦喜歡

佛印元

寄臥雲庵

黃金園裏馬交馳徑寸多成按劍疑月曬梅花千樹
雪臥雲一枕夢回時

虛菴實

呈妙喜

不是心兮不是佛通身一串黃金骨趙州叅見老南
泉解道鎮州出蘿蔔

吳學士

寄育王東堂

靈源大士居昭默橫川老師居山寮高風相去三百
載人世南朝自北朝

栢堂益

賀淨慈起千佛閣畫五十三叅改路立兩牌門
千佛束之高閣了百城烟水一毛吞縱饒別有通天
路也落南山第二門

空海

行者

了身不若了心休了得心時身不愁若也身心俱了
了神仙何必更封候

應菴華三

宿解田

夜宿西山居士家圍爐相對話生涯從來無一絲頭
許自是勞生眼裏花

祥禪

濁港江頭送別時碧雲秋水澹依依莫嫌老拙疎慵
甚他日重來扣竹扉

寄萬峯蔚

鬱鬱黃花滿目秋白雲端坐碧峯頭無賓主句輕拈
出一喝千江水逆流

千巖長

寄仰山無念學首座

五派傳來臨濟宗入門一喝露機鋒老婆心切能容
易試看泥蛇變化龍

萬峯蔚

寄翠峯頂長老

行處要教機路絕說時莫遣意根生如來大寶華王

座不比尋常黑柰棚

恕中愠三

寄妙菴首座

黃獨煨來可療饑心如墻壁眼如眉趙州去後叅尋
少有箇拳頭豎向誰

寄法姪衍斯道除建元

二妙林間五色鸞赤霄終見散飛翰藤州事業非難
繼況是曾中宇宙寬

東嶼和尚

相別於今八載餘君匡徒衆我閒居白雲流水乾坤
外終不相親在寄書

元叟端

鍊鞭和尚

思量四句寄承天湊得完全缺半邊頌又不成詩不
是如何拈出向人前

訥堂辯

寄歸宗華姪禪師

坐斷金輪第一峯千妖百怪盡潛蹤年來又得真消
息報道楊岐正脈通

大慧杲

寄烏龍長老

雪帶烟雲冷不開相思無復上高臺江山况是數千
里祇聽嘉聲動地來

明覺顯二

寄內侍太保

千尺寒巖噴冷聲草堂雲淡竹風清蒲團時倚無他
事永日寥寥謝太平

寄訊竺菴和尚

春色初浮千佛嶺鐘聲遠度六朝松法堂乍起天花
落人在寒雲第幾重

南菴依三

寄木菴大師

喝後曾聞三日聾西江自此起宗風等閒拋出一輪
月高挂好山第一峯

法道垂秋近日來承虛接響浪栽培吾家不鬪門庭
好祇愛當人眼正開

寄奘天章并諸名勝

石牀烟裊瓦爐香千聖頭邊較短長兩口果然無一
舌莫將消息到諸方

南石秀二

堂堂臨濟下兒孫重按輕提廓頂門七穴八穿無味
話何妨嚼碎渾崙吞

初到善溪慧照菴寄張無盡

世辯不妨無骨舌好山難絆自由身從他折脚鐺兒
笑且欲南來識鳳麟

洪覺範二

寄石頭志菴主

世途巖嶮鼻先酸折脚鐺尋穩處安誰見睡餘閒振

策松風吹耳夜濤寒

寄淨慈平山和尚

領破蹄穿五百牛南屏寺裏一欄收皮毛換得光生
也拽耙拖犁再起頭

石屋珙

天目和尚

翁翁八十再生牙爛嚼虛空吐出渣撒向玲瓏巖畔
樹枝枝葉葉是曇華

希叟曇

寄百丈友人

多時不見牯牛踪夢斷雲山幾萬重莫是隨羣貪水
草被人拴住大雄峯

獨立邁

上鐵菴

紅爐燄上火星飛誰解當頭下一鎚將謂鐵菴渾是
鐵頂門一著爛如泥

何菴

辭山

水牯從來不受穿鼻頭牽著便風顛請公收取斷繩
去放與林泉自在眠

慶首座

吳必東請偈

百草頭邊千聖眼一毫端上萬重關更無佛法并玄
妙堪與知音共往還

應菴華

喜圃田韓少府見訪

忽聞梅福來相訪笑著荷衣出草堂
兒童不慣看車馬爭入蘆花深處藏

胡釘鉸

答吳元昭

通身一具金鎖骨堪與人天爲軌則要識臨濟小厮
兒便是當年白拈賊

大慧杲

聞法雲大秀遷棲賢以此寄之

七百高僧戰法場盧公一偈盡歸降無人截斷黃梅
路剛被迢迢過九江

瀉山秀

清菴和尚住南華

當機一喝怒雷奔攪得黃河曲曲渾今日斬新翻舊

轍曹溪無底水無痕

鐵關樞

酬李仲思宰相

晴雲萬疊裹羣山巖瀑千尋落樹間定裏驚傳玉駕
至祇應來奪老僧閒

中峯本二

歸鞭未舉且婆娑平地須知險處多休把世情名字
相累他巖穴老頭陀

酬馮海粟待制

無言童子拂香臺報道長沙學士來爛煮橘皮砂罐
冷幾年生意喜潛回

答八山居士

太極玄關寶鏡臺三家活計總塵埃道人別有安身
訣不打三家路上來

玉芝聚

訪俞秀才

萬疊雲山未得歸寂寥心許老盧知江城雨雪書名
紙不謁鴻儒更謁誰

明覺顯

趙提宮請偈

言前薦得已天涯句後承當路轉餘一擊鐵關如粉
碎水天空闊雁行斜

大慧杲二

寄無垢居士

上苑玉池方解凍人間楊柳又垂春山堂盡日焚香

坐長憶毘耶杜口人

和宮使侍郎頌送入莞山菴

此山已是勝天台峯頂寥寥正眼開無限水雲難湊
泊卻容掃地相公來

應菴華

李香巖乞偈

百家諸子徒糟粕藏海波濤赤手翻穩坐家堂誰是
主未生前事問香巖

箬菴問二

南湖烟水欲畱人肯負臨溪把手吟一語不傳真秘
訣要將物格話重行

穀日答唐祈遠

行脚心頭已悄然不禁放曠好林泉松風水月終何
物結我多生聚首緣

牧雲門

酬王奉常烟客

銀鈎鍊勒法堂懸手闢生機點畫前百萬英靈齊斫
額直教人看眼睛穿

退翁儲

秋日寄懷黃介子

高名少小重如山選佛猶嫌豈選官頭戴華巾離少
室手攜蓆帽出長安

弘覺志二

玉局文章都尉禪脫空師語亦碑傳無人過與價三
百贏得雙眸貫五天

辭石溪請

出世宗師萬萬千祇餘迦葉守枯禪老僧若也隨流
去辜負山居三十年

千巖長

參天通和尚

聚寶由來帝里山碧峯雲鎖絕躋攀試看木馬嘶風
處火裏清冰六月寒

玉芝聚二

次董兩湖韻

君如五柳常酣酒我似瀉山不學禪塵劫去來同一
笑謾論人世此何年

別友

世有百千閒日月人無一點好身心知他爲甚麼邊
事添得茫茫業海深

中峯本二

酬李思宰相

機裏藏機復見機秋霜點點透征衣話殘夜壑三更
月又約天雲擁毳歸

荅嵩禪師

因嵩師戲作悼詩寄之師作此偈畢擲筆而逝

道契平生更有誰閒卿於我最心知當初未欲成相
別恐悞同叅一首詩

如布衲

荅頑石和尚

佛法泛教爛便休多年紙被自蒙頭生涯祇有數株

芋熟在山中亦嬾收

千巖長

荅雪竇顯禪師

一兔橫身當古路蒼鷹纔見便生擒後來獵犬無靈
性空向枯椿舊處尋

韓大伯

雪中懷洞如

敗絮相親三十年冰霜同冷鐵同堅更添門外雪盈
尺老眼能堪楫楸烟

玉林秀

荅竺二元和尚

此時有院不愛住聞在江臯自隱居劫火灰飛大千
界普光心印祇如如

元叟端

寄圓悟和尚

出林依舊入蓬蒿天網恢恢不可逃誰信業緣無避處歸來不怕語聲高

華嚴覺

訪抱璞和尚

芒屨竹杖為尋君山鵑重重烟火村及至相逢無可語梅花十里一溪雲

雪嶠信

寄信上人

一瓶一盃且隨緣此事時時強為宣知已不來春漸老孤峯皎月對寒泉

東山演二

寄舊

寄書未到他先望傳語不來我便知度日林泉無世慮歛眉偷看白猿兒

寄雪竇禪師

茅茨函丈古臺垣乳泐青層雪卷門豎箇拳頭知已嬾肯將鍊券累兒孫

靈章蘊

寄崑崙

業風吹破進賢冠生死關頭著脚難六百年來今一遇莫將大事等閒看

萬世尊

寄無準和尚

鼈與猿交割不開兄呼弟應似忘懷及乎說到諸訛

處又卻心肝不帶來

訥堂辯

寄曉菴和尚

天南每遇長沙客盡道黃曇古佛安博飯種田同百
丈高風颭颭逼人寒

呆翁悅三

寄如臯范就卿

今時難得真居士常憶東臯老范禪大似衲僧乾曝
曝逢人開口氣衝天

東興隆主人借閱大藏

盡道拭瘡疣故紙是非今古數如麻果然拭得瘡疣
否一一從頭要驗他

寄吳江草堂神山

聞說養親在草堂此情遠慰我憂忘臨流半榻曾懸
否蒲履同編供母嘗

天竺珍

悼惠書記

惠初不死而言死空本無情似有情手把遺書一揮
淚秦溪三夜雨連明

空東山

悼雲巢和尚

人傳師死已多時我獨躊躇未決疑既是巢空雲又
散春深猶有子規啼

訥堂辯二

悼東山和尚

藕絲牽出繫虛空溼紙拈來畏大蟲此伎施呈今已
矣不堪老泪灑東風

悼人

二十四年春夢斷百千三昧死中叅可憐得病無多
日問訊重來又入龕

日貫

生了死了復燒了恰似從前總不曾見說茶毘相送
日柳條分遍一千僧

希白

天童侍者在靈隱作侍者死

三喚聲中負不平興師百萬欲攻城誰知菡萏峯前
路削木書名又伏兵

雲外岫

弔善禪師

出輪迴又入輪迴究竟何曾有去來昨夜水河中發
燄虛空燒作一堆灰

保寧勇

悼志公大士

去年曾涉白雲巔投老相逢亦偶然蟬蛻君今成敗
葉春蠶我已作三眠

洪覺範二

捍喪未滅春爐煖丈室偏宜道骨寒擺手便行呼不
應閒名在世試除看

雙髻峯有懷高峯和尚

雙髻峯深古道危不來夜半扣柴扉六年底事成遺

恨寂寞空山啼子規

中峯本二

客中聞計

計音遺我客牀頭話到輪迴鬼亦愁
肉眼未空今古夢滿天霜月曬骷髏

悼或菴和尚

圓寂時以
硯遺贈

翩翩隻履逐西風一物渾無衣袋中
畱下陶泓將底用老夫無筆判虛空

曾侍郎

題晦堂

中無門戶四無旁學者徒勞捉影忙
珍重故園千古月夜來依舊不曾藏

吳恂

二

廬峯居士舊門人描得師真的的親
大地撮來成箇眼翻騰別是一般新

扣角

身前身後事茫茫欲話因緣恐斷腸
吳越江山尋已徧卻回烟棹上瞿塘

圓澤

過孫山人故居

溪邊野竹映寒沙茅屋青山處
士家燕子歸來寒食雨春風開遍野棠花

見心復

悼古林和尚

古往今來一欠伸茫茫劫海起
堆塵虛空昨夜翻筋

斗驚倒靈山會上人

月江印四

哭徒舜逢源

精明見道出常流造極登峯尚不休聞說百骸同鶴
瘦可憐未死已枯骸

法門非福歎承天爾不匡徒也棄捐此土他方雖趁
俊盃盂無底倩誰傳

蝸角壁黏縣學帖蠅頭手錄劔南詩觸人鐵石心腸
碎勝似三聲猿叫時

歷正沈老居士自化

七十六年渾是夢拖來拽去總非真全身放出光明

藏疑殺閻浮一界人

智觀慧

雜毒海卷四

京都栢林嗣祖沙門性音重編

蓋大殿

黃面老子眼睺睺千方百計討便宜而今無著渾身處却要兒孫蓋覆伊

松源岳

瞿曇老子面皮黃一箇渾身沒處藏普請爲渠遮蓋去免教赤體露堂堂

秀岳瑞

挂鐘

重似鴻毛輕似山當陽挂起大家看一聲直透威音外撼動一天星斗寒

浙翁琰

一摸脫就轉風流平地教休不肯休要得洪音喧宇
宙直須更上一層樓

枯禪鏡

五十三參壁

幸得十方無壁落誰將五彩畫虛空善財眼裏生花
翳去却一重又一重

西崑慧

鑄鐘

通身祇是一張口百鍊爐中輓出來斷送夕陽歸去
後又催明月上樓臺

雪崑欽

大爐鞴裏翻身出不犯鉗錘勢萬鈞一擊清風徧寰
宇喚回多少夢中人

簡菴清

大爐鞴裏翻身轉開口當知有賞音多少師僧齊側
耳聽渠號令震叢林

呆菴莊

化藏

八面渾無刀斧痕堆金抹綠要爭新出門遇著經綸
手撥轉如來正法輪

瞿曇老賊口親扇驢屎相兼馬屎多打得一團都撥
轉潑天臭氣柰渠何

長翁淨

化燈

一點光明未發輝燈籠露柱暗攢眉驀然觸著星兒
子照破瞿曇鐵面皮

簡堂機

點著心光便發花從教千古照河沙假饒大地毘嵐
起到底如何滅得他

谷源道

劫初一點光明種猛烈工夫撥出來瀉入碧琉璃裏
去百千諸佛笑顏開

唯菴然

水燈

萬里烟波接素秋銀釭耿耿泛中流自從一點光明
見逐浪隨波未肯休

癡絕冲

血書蓮經

大丈夫兒皮有血自家針割自家知一毫頭上能通
變紅菡萏花三四枝

雲谷

寫經

以字不成八字非當陽拈出大家知釋迦老子舌無
骨黃葉拈來嚇小兒

雲巢崑

焙經

始終鹿苑跋提河四十餘年口過多爐炭上頭遭拔
舌莫言有罪不重科

黃龍南

寫法華塔爲僧

此經一字何曾有莫寫浮屠謗老胡若謗老胡終有
報定教鬚髮一莖無

谷源道

化鹽

紅爐鼓浪立教乾突出銀山照膽寒便是馬師胡亂
後要須不被舌頭瞞

松源岳

合水和泥一處烹水乾泥盡雪花生乘時索起撩天
價公驗分明孰敢爭

潛菴光

化柴

一刀兩段絕諍訛未免依然入草窠直得通身紅爛
後變生作熟總由他

浙翁琰

化炭

黑漆渾身鐵面皮當頭觸著火星飛檀那切莫輕酬
價煨聖鎔凡總是伊

復菴

賀澤藏山修涅槃堂把鍼閣贖所溺坑等緣

涅槃一路盡掀翻觸處工夫見不難洗面驀然摸著
鼻繡針眼裏好藏山

會藏主

求度

天書入手頂門開解道心空及第來翻笑當年負春
老半生擔閣在黃梅

浙翁琰

我儂嫌佛不肯做子要伽黎搭半肩一等共行山下
路眼頭各自看風煙

天目禮

化浴

渾身脫下赤條條滿杓盛來痒處澆但得通身冷汗

出自然百病一時消

竹菴珪

洗到無塵垢轉多杓頭拋下看如何對人不是揚家

醜祇要添柴助熱鍋

標指堂

化馬祖殿瓦

寄語江西老古錐從教日炙與風吹不是兒孫無料

理要見冰消瓦解時

上竺悟二

德彬修雙陽塙求頌

九層塙聳青霄外七佛靈蹤在上方山冷雲寒當午

夜惟聞天樂散天香

老僧乞偈募龕

藏身無地復何藏冰骨仙人玉作裳佛眼謾云窺不

見分明北斗曬斜陽

梅逢忍

修船

生死河邊個破舟七穿八落半沉浮娑婆業海風波

惡苦勸諸君努力修

孤雲鑑

重鞞法鼓

膽在渾身肯便藏惡聲一任播諸方乾坤未信知音

少骨露皮穿總不妨

呆翁悅

鄮嶺接待

玉几峯高難措足行人多向半途休無棲泊處開門

戶個個教伊到地頭

佛照光

大亭接待裝泗洲

潮生潮落三江口人去人來四路頭放下便知安樂處泗洲元不在揚州

無準範

大芙蓉接待

水雲何處覓行蹤踏遍天台雁宕峯腳力盡時消息盡小芙蓉接大芙蓉

無準範

風月接待

不蓄莖藿并粒米要食風月任從伊莫嫌冷澹無滋味一飽能消萬劫饑

商源

鷄鳴接待

一粒米從檀度乞一莖菜是別人栽家私不與諸方比也要開門接往來

商隱子

黃漢嶺開接待

路繞懸崖萬仞頭行人到此一場愁驀然得個休歇處重叠關山信腳遊

高原泉

漁浦接待

吳山那畔越山前有飯充饑有榻眠到此便能休歇去帝鄉猶隔一潮船

絕岸湘

進月軒

桂輪孤朗碧天寬
簾卷清風入座寒
底事明明人不薦
又隨花影上欄杆

大川濟

留江心

孤嶼江心浪潑天
漁翁來看釣魚船
煙蓑雨笠渾無用
收卷絲綸展腳眠

竹菴珪

三教圖

各立門庭各自尊
談禪談道又談文
桃紅李白薔薇紫
畢竟根苗一樣春

雲山

三笑圖

三箇難分劣與優
你心頭似我心頭
不堪說破祇堪

笑笑到驢年未肯休

無準範二

祖圖

等是清平世界人
爲因閒事長無明
使他箇箇能安分
圖上緣何有姓名

宗派圖

虛名驚世刻舟痕
乃祖初無一法存
流出胸中蓋天地
祇今子子又孫孫

東山源

列派分宗定此圖
繩繩相貫若聯珠
不知佛祖未興日
還有許多消息無

痴絕冲

枯松圖

瘦骨槎牙耐歲寒碧雲深處老龍蟠笑他摘葉尋枝者到此如何著手攀

谷源道

選佛圖

百千諸佛及衆生休向圖中強較量心印當陽輕擿出堂堂端坐寂光場

一源靈

題天目弔和菴主

西丘老人八十餘頭髮白盡黃牙疎買得扁舟如葉大哭和菴主過東湖

竺元道

大義渡

白頭望盡萬重山曠劫恩波徹底乾不是胸中藏忤

逆出家端的報親難

天目禮

歸湖上

鳥不驚飛水不流碧潭空濶冷涵秋一絲頭上無香餌風輓蘆花落釣舟

石菴珣

海山寄興

午牕定起晝沉沉觸目虛凝一片心好鳥關關知我意盡情啼破綠楊陰

大歇謙

翠崑寺

野僧迎客下煙嵐試問如何是翠崑門近洪厓千尺井石橋分水繞松杉

張無盡

三壟

山前三壟要重修
凡聖齊教著地頭
肯似疎山窮鬼
子一錢不使逞風流

或菴體

善權洞

崑下寒泉曲有聲
洞中丹竈紫霞生
現成門戶入不
得白日茫茫把火行

雪山

登祝融峰

南岳諸峰七十二
惟有祝融峰最高
九千七百三十
丈下視寰海如秋毫

虛堂愚二

岷峩華頂遠俯伏
九華五老來相朝
上方老僧日無

事興來以手摩雲霄

東林

白蒼荀花露滴滴
碧苾芻草香濛濛
田地更無塵一
點是何人合住其中

禪月

一山南北煙霞裏
兩寺東西林麓間
開眼如今渾似

夢莫言真個在廬山

竹菴珪

西林

橫看成嶺直成峰
向背高低各不同
不識廬山真面
目祇緣身在此山中

蘇東坡

作家爐鞴烹佛祖
客來更搥茶毒鼓
昨夜南山鼉鼻

蛇蛟殺大雄白額虎

竹菴珪
一作題雪峰

鼈鼻菴

毒氣炎炎未肯休
草中交輓沒蹤由
如今橫在平坡上
誰敢當先摸鼻頭

詠大椒

萬木凋殘方吐艷
垂垂朱實綴枝頭
從來辣性天然在
嚼著通身白汗流

夢菴格

呈遠錄公

誰能一日兩梳頭
撮得髻根牢便休
大抵還他肌骨好不搽
紅粉也風流

圓通秀

丈亭

青山歷歷映江流
半見明州半越州
亭下寒潮亭上客
不知來往幾時休

朴翁銘

涅槃臺

當陽立箇鬼門關
未死偷心過者難
火急翻身開得眼
屋頭元是舊青山

生香亭

一種靈苗發秀時
須知花綻不萌枝
其間氣息難藏處
不假春風特地吹

生公石

講經聲在轆轤間要見生公卻又難一曲欄杆千古
意老僧無語石頭頑

荷葉沼

徹骨貧來更有誰鬢髮壞衲藕絲垂春風池面添新
綠又見水蠶作蠶時
遇物令人仰祖風弊衣遺在一池中秋風吹破春風
補不犯清波一綫功

他山堰

截斷寒流疊石基海潮從此作回期行人自老青山
在澗澗水聲無絕時

隱山

破草鞵

踏遍山邊與水邊歸來脫向法堂前僧參不用袈裟
褻問汝何時腳底穿

夢菴格

和菴主故居

影落深雲不自名午香菰米雜黃精不知那裏欠綿
密長有人來問二靈

象潭詠

三生石

去來今世互相瞞休弄精魂業識團一片石頭遭帶
累幾人來拂蘚痕看

一聲軒

瓦礫聲中喪髑髏門風從此轉蕭條最憐萬竹當欄
立雨洗風磨恨不消

棋盤石

明明黑白未分來一片方方嶮似崖試向機前投著
看春風春雨幾莓苔

蘇公堤

春風細細柳抽條十里湖光落畫橈靚面坡仙知蹉
過古祠猶在第三橋

龍湫瀑布

懸崖萬丈似危簷放下珠簾六月寒幾度風來半遮

掩不容收卷祗容看

龍鼻水

洞裏當中忽迸開磷磷青石滑如苔五湖四海翻桃
浪盡向鼻端流出來

石龍滴滴鼻中水二十名泉顛莫齊白髮老僧貪漱

齒杖藜日日過崑西

橫川琪

石臺

天地生來本現成最稜層處坦然平其中自有點頭
底祗是無人解講經

老馬

營司牽浴柳邊池吐沫垂涎步較遲洗見箭瘢知有
恨將軍忘却未侯時

藏雲二

桃源圖

綵雲綻處落欹斜雞犬無聲祇幾家五百年中興廢
事紛紛紅雨落桃花

牛圖

三三五五戲平蕪踏裂春風百草枯莫寫瀉山僧某
甲恐人喚作祖師圖

希叟曇

中峰

孤猿叫落中巖月野客吟殘半夜燈此景此時誰會

得白雲深處坐禪僧

無量壽

妙高臺

鴛鴦池塘芳草雨綺羅簾幙杏花風何如月在欄杆
夜長嘯一聲千嶂中

蘿月瑩

松枯石老凍雲摧到此虛空漸覺低腳力盡時情興
遠與誰携手上天梯

虛堂愚

琉璃泡觀音

一氣工夫做出來圓陀陀地絕纖埃都盧一箇圓通
境門戶不將容易開

古梅友二

血書金剛經入佛腹藏

點點滴滴孃生血
狼狼藉藉給孤園
盡大地人收不得
依然返本又還源

燈華

休將春色擬栽培
畧人工巧剪裁
遊子滿園覓不得
祇因伊向火中開

磬山修

爆竹

看取當場手眼親
胸中毒氣種來深
借他一點無明種
擊碎千層與萬層

箬菴問

紙裹麻纏解不開
因緣時至出頭來
一聲霹靂驚天地
曠劫無明當下灰

愍生念

燈籠

靈明豈藉三光照
慣向昏衢立大功
祇爲寸心恒不昧
輝天鑑地自玲瓏

琅琊真

破衲

零零落落幾經年
信手拈來搭半肩
午夜定回和束倒
箇中消息許誰傳

柏崑凝

住山將就度流年
窮漢家私不值錢
一領衲衣冬又夏
熱來脫却冷來穿

箬菴問二

破被

長將破被蒙頭卧
地老天荒總不知
此是死心真受

用失便宜也得便宜

觸衣碎甚作

不挂寸絲方免寒何須特地裊長竿而今落落零零也七佛之名何處安

印首座

走馬燈

團團馳走不停留無箇明人指路頭滅却心中些子

火刀槍人馬一齊休

無際悟

槍如雨刺馬如風殺入重圍不放鬆不是不容鍼箭

空目前住脚幾英雄

養菴心

業風吹得走如梭鬪勝爭強不放過未得中間星火

盡不知何日息干戈

且菴菴

破錢

半輪殘月掩塵埃依稀猶有開元字暗想清光未破時買盡人間不平事

毘陵女子

芳塘

芳塘雨霽綠初肥折得青條串露歸一樹殘花喧鬪雀紅香滿徑撲人飛

天隱至

漁父

籃裏無魚欠酒錢酒家留下釣漁船幾迴欲脫蓑衣當又恐明朝是雨天

西湖僧

過天目山活埋菴

自古名高累不輕，飲牛終是上流清。
吾師未死先埋却，又向巢由頂上行。

紫柏可

宿永慶寺

建文帝

杖錫南遊歲月深，山雲水月傍閒吟。
塵心消盡無些子，不受人間物色侵。

建文帝

宿深邨

行行一宿深邨裏，雞犬豐年鬧如市。
黃昏見客合家喜，月下取魚屏塘水。

禪月三

深山逢老僧

衲衣綫麤心似月，自把短鋤同楫杓。
青石谿邊踏葉行，數片雲隨兩眉雪。

臨川道中

出谷入谷路迴轉，秋風已至歸期晚。
舉頭何處望來蹤，萬仞千山鳥飛遠。

宿雪峯菴

雪深麋鹿無行跡，雲外樵歸何處笛。
老禪騎虎不驚人，猿拾荒苔挂高石。

笑隱訢

虎丘禮隆祖塋

爪牙曾展此峰頭，睡虎耽耽莫敢儔。
千古知恩誰箇

是空階落葉響深秋

牧雲門

送可生禪人省親

六尺堂堂稟取靈此身來處要分明春風送上新安
路一片依依望母情

受業處題偈行腳

古佛放光留不住鐵牛無腳也須行雖然未踏曹谿
路且喜今朝離火坑

大慧杲

宿北山贈唯一山主

載雲松老響晴濤數轉谿灣見把茅深閉竹籬春不
管亂啼山鳥踏花稍

三宜孟

臨平道中

風蒲獵獵弄輕柔欲立蜻蜓不自由五月臨平山下
路藕花無數滿汀洲

道潛

昇母渡錢塘

母在籃輿子在途子行不上母先呼斷橋流水斜陽
外羞見寒林返哺鳥

已恭行

石門道中

枝頭蜀魄一聲聲百里春山送又迎拈得泐潭潭上
月直教千古照人清

古雪蒞

登維摩金粟堂憶洞聞和尚

青山滿目祇如前
初地尋師憶往年
不二法門無異
相空庭添得草芊芊

牧雲門

暢情

花無長在樹人無長在世
有花須當賞有酒須當醉
秋霜上鬢來春風吹不去

鄧青陽

普請罷書偈

茶芽鹿藪初離焙
筍角狼忙又吐泥
山舍一年春事辦
得閒誰管版頭低

志芝菴主

遣興

小鍋煮菜上蒸飯
菜熟飯香人正饑
一補饑瘡了無

事明朝依樣畫猫兒

祖菴主

自適

雪裏梅花春信息
池中月色夜精神
年來可是無佳趣
莫把家風舉似人

懶菴樞

偶成

簷頭密布蜘蛛網
砌下高堆曲蟻泥
達磨眼睛渾不顧
尋常讀作一聯詩

中峰本二

秋雲片片秋空濶
秋葉沉沉秋雨寒
林下野人難曬眼
着毛終日不曾乾

遣興

逸興應須傲皎然此生瀟灑老詩禪何妨剝得驚人句詠徧江山一萬篇

明教嵩

立玉亭

山當崖斷孤亭立竹樹廻環翠萬層倒看夕陽深澗底不知雲外有歸僧

玉芝聚

冷泉畫廊壁

一一塵中堅密身改頭換面轉精神誰知東壁打西壁盡是靈山會上人

雙杉元

屋子

甃瓦泥灰假合成周縫隙罅用功深就中有箇安身

處多少迷人不識門

無用竟

佛母堂

熱鍊洋銅地獄坑禍胎今日又重生黃梅山下人無數誰解門前掉臂行

中峰本

湖上草堂

山居不買剡中山湖上千峰處處閒芳草白雲留我住世人何事得相關

皎然

天台石橋

橋橫飛澗上崔嵬澗瀑千尋吼怒雷五百聲聞看不破至今活葬在崑隈

天目禮

過東坡影堂

力將正說排邪說夢到黃州與惠州竹屋數椽容老
貌大江千古祇東流

大慧果二

過秦檜祠

路傍一對新華表見說昔年官不小爭知道冷煙疎
雨埋荒草

鰕子禪

杖藜何處問鰕禪回首胥村鎖暮煙一曲漁歌秋浦
外腥風吹滿渡頭船

夢觀仁

雷遷塢

一念慈容元不隔何須特地肆乖張平高就下婆心

切惱得雷公一夜忙

石田薰

女官墓

隴頭死樹了微活路口崩亭脚半斜玉骨年深無祭
祠變成蝴蝶撲松花

廬山佛手窠

清淨身中金色臂匡廬叠叠曉雲開為人隻手無伸
處且聽勞生空望崖

中峰本

迴耀峰

草徑離離山影斜寒清入骨半牕紗數聲啼鳥破幽

寂晚色不侵茅屋家

雪嶠信四

青龍泉

不假雲雷勢自豪一噴平地盡波濤溶溶流入浙江
水飲者如何風調高

出生臺

何處啼鳥去復來朝朝上我出生臺有時粥飯因緣
盡脫落皮毛眼豁開

曉發

葛捲衣邊秋捲蕉曉行寒露草頭飄邨中尙未炊煙
火且逐雞聲過版橋

試心石

峽吼高懸可試心幾回獨立畏崖深忽然腳踏虛空
碎石上風生大地春

磬山修

漂母祠

一諾千金肯背盟始知義重見身輕滔滔淮水長流
在愧盡王孫怨不平

箬菴問三

淮陰墓

墓石能存漢姓名驚濤拍岸似猶爭功成祇說英雄
貴跨下何殊走狗烹

西亭懷古

